



## **Forum Ecclesiasticum**

In Quo Jus Canonicum Universum, Librorum Ac Titulorum Ordine Per  
Quæstiones Et Responsa, Tam Canonistarum Veterum & Recentiorum,  
quàm Legistarum, in iis, quæ Utrique Juri, Canonico Et Civili Communia  
Sunt, Authoritate stabilita, Methodo clara & facili explanantur

**Leuren, Peter**

**Moguntiae, 1719**

Quæst. 215. Quænam ex commodato oriatur obligatio.

---

[urn:nbn:de:hbz:466:1-73957](#)

commodata, habeatur *l. quamvis ff. de precariis.* Item domus cum supellecili, fundus cum instrumentis, intellige, si iis instructus commodatus; secus si suppellex aut instrumenta à commodatario comparata) Mull. *l. c. Lit. v. Arg. l. 13. ff. b. t. & l. 38. §. 10.* Item restitui debet sumptibus commodatarii, Arg. *l. 5. §. 12. b. t.* Bonac. *de contract. d. 1. q. 5. p. unc. n. 10.* Mull. *th. 7.*

*Quest. 214. Quinam commodare possint?*

R Esp. commodare & commodatum recipere possunt omnes, quibus libera est de rebus suis disponendi facultas. Muller. *loc. cit. th. 3.* potest tamen idipsum Oeconomus, cui res Ecclesie administranda commititur. Host. *in sum. b. t. num. 4. Sylv. v. commodatum. q. 2.* Pirh. *b. t. num. 2. in fine.* non tamen Religiosus sine licentia sui superioris. Azor. *l. 7. c. 3.* Pirh. *l. c.*

*Quest. 215. Quoniam ex commodato oriatur obligatio?*

*1. R* Esp. primò in genere: commodatum ultro citroque, sive tam ex parte recipientis quām commodantis partit obligationem. *l. 17. §. 3. ff. b. t.* Ex hujus quidem parte, quōd tenetur relinquerre rem commodatam tamdiu, donec usus, ad quem, & tempus, ad quod commodata finita, sublimitationibus. *præced. quasi. adjectis.* Tenetur item ad præstandos sumptus extraordinarios & graves necessarios ad rei conservationem; V. g. ad mancipium commodatum dum agrotat vel fugit, magnis sumptibus querendum & curandum; ad rem raptam ab iniquo rapore lite recuperandam &c. De Lugo. *de f. & f. d. 32. f. 2. num. 24. & d. 8. f. 10. num. 134.* secus est de expensis ordinariis; v. g. in cibum equi, in viatum & hospitium mancipii faciendi, haec enim spectant ad commodatarium. de Lugo. *l. c.* Ex parte vero recipientis, duplex oriatur obligatio. Prior spectans ejusdem rei custodiā, altera illius restitutionē. Quod attinet ad primam, diligentiam exactissimam custodiendā rei commodatā præstare compellitur; nec sufficit eam diligentiam adhibere, quām suis rebus adhibet, si alius diligenter eas custodiret. ut habet *l. 1. §. 15 quoque ff. b. t.* Ratio est, quia commodatum sit in solius commodatarii gratiam. Dum autem queritur, anteneatur facere vel permittere jaucturam rei propriā ad servandam rem commodatā; dicendum primō, non teneri res suas proprias pretiosiores exponere periculū, ut res commodatas minoris pretii salvēt, modò ipse sit extra culpam. De Lugo. *l. c. d. 8. f. 2. num. 130. & 139. & 140.* Bonac. *de contract. d. 3. q. 1. p. 6. n. 22.* Hahn. *ad Weſenbech. b. t. n. 7.* Müller. *ad Siru. b. t. th. 8. Lit. 2.* non enim rem propriam pretiosiorē commodatā neglectā, (dum utramque simul salvare nequit) eripiens naufragio vel incendio pectabat contra officium patrisfamilias diligentissimi, ut Muller ex Lauterb. *in Synop. tr. b. t. th. 5.* ac sic præponete res pretiosiores proprias minus pretiosis alienis non est contra maximam diligentiam, quā opponitur contra culpam levissimā. De Lugo *l. c. n. 130.* citat Syl. Armill. Gab. Ang. Vasq. ac dicens communem. Neque in hoc casu est illa commodatario obligatio compensandi quicquam commodanti pro ejus re, quā in periculo relicta, ut salvaretur res propria, perit de Lugo. *l. c. num. 140.* Mull. *l. c. idque, etiam si commodatum fuerit in solius commodatarii utilitatem, ut de Lugo. n. 139.* contrarium quōd ad hoc postremum apud eundem *n. 131.* censente Molina, nimurum quod quidem

præferri possint res propriae pretiosiores, teneri tamen tunc commodatarium, si in ejus solius utilitatem factum, solvere rei commodata, quā perit, valorem: secus, si cessit in solius commodantis, vel etiam utriusque utilitatem.

*2. Resp.* Secundo idem cum de Lugo dicendum, dum res proprias sunt æquè pretiosas accommodatae, contrarium iterum tenente Molin. Nimurum si commodatum factum in solius commodatarii utilitatem hunc teneri res alienas seu commodatas præferre; eò quōd cum æquali jauctura teneatur rem commodatam servare; si verò cedar commodatum in utriusque vel solius commodantis utilitatem, neque teneri illum ad præferendas res commodatas, neque ad ullam earum restitutionem aut compensationem. Veròm contrarium quō ad utrumque bene probat de Lugo ex eo, quōd præferendo rem propriam, sive pretiosiorem, sive æquè pretiosam rei accommodatae, non minus utiliter gerat negotium commodantis, quām non præferendo, dum si prætulisset rem accommodatam, permittingo perire rem suam ad salvandam illam; posset à commodante exigere valorem rei sua deperditæ tanquam sumptus extraordinarios impensos in conservationem rei commodantis; adeoque is parem jaucturam pateretur, in modo majorem, si res commodatarii pretiosior fuisset deperdita ad salvandam rem viliorē commodantis cùm solvere is deberet totum valorem rei deperditæ, qui excedit valorem rei servatae. Ac proinde jam nihil intereat commodantis, sive hoc modo, nimurum sub obligatione compensandi valorem rei propriæ commodatarii deperditæ servetur res sua, sive ea non servetur.

*3. Resp.* Tertio: neque teneri in conscientia commodatarium permittere perire rem suam viliorē ad salvandam rem commodatam pretiosiorem, si jauctura rei propriæ vilioris notabile damnum esset allatura. Idque absque eo, quōd in illo casu teneretur quiequam restituere commodanti. Ita de Lugo *l. c. n. 136.* contra Molin. *cit. d. 296.* docentem teneri commodatarium servare potius rem pretiosiorem commodantis, etiam duam ea commoda in solam commodatarii vel utriusque utilitatem, ita etiam, ut si res illa vilior commodata in solius commodatarii utilitatem, is pro jauctura rei sua nihil repeteret aut sibi compensare possit. Eo quōd nihil faciat, ad quod non teneatur vi contractus & beneficii accepti, utpote ratione cuius tenetur ad rei commodatā diligentissimam custodiā. Si tamen res commodata in solius commodantis utilitatem: possit petere valorem rei sua vilioris perdite, & rem commodantis servatam tamdiu retinere, donec valor ille solvatur; eò quōd nemo teneatur cum jauctura rei sua alienam servare, quando contractus non est in solam sui utilitatem, & quōd ad sumptus extraordinarios necessarios in rei conservationem teneatur is, in cuius gratiam res tradita seu commodata vel deposita. Veròm videntur prævalere rationes, quas in contrarium afferit de Lugo, nimurum quōd neque diligentia maxima, ad quam tenetur commodatarius, neque contractus commodati vel etiam depositi obliget ad rem alienam custodiendam cum magno detimento proprio, cùm nec in custodiendis rebus propriis prudentissimus quisque & diligentissimus id faciat. Item quōd permissio jaucturæ rerum propriarum ad servandam rem alienam necessaria, sit sumptus extraordinarius, quem commodans compensare tenetur, & quena nemo impendere tenetur in custodiā rei aliena,

nisi

nisi sciat sibi refundendum. Unde, si sciat dominum rei pretiosæ illum nolle solvere, non sit huic injuria si rem ejus conservare nolis gravibus sumptibus suis. Quos tamen si scires dominum refusurum, teneris rem ejus pretiosiorem illis sumptibus impensis servare. Ac denique, quod durissimum esset, & ab omni aequitate alienum, si quis videat in incendio perire, vel omnia bona sua valentia tribus millibus aureorum, vel rem alienam commodatam vel apud se depositam, valentem decem millibus aureorum, teneretur ex Justitia hanc salvare, etiam si sciret certò, se in perpetua egestate vel magna miseria vieturum absque eo, quod speraret se quicquam à divite illo commodante pro jactura rerum suarum recepturum. Unde nemo credet, quod etiam diligentissima alias impendenda custodia rerum alienarum obliget eum adeò detimento gravi proprio; aut etiam commodatarius se unquam sic obligaverit; quod si tamen minus grave forer, subeundum esset pro beneficio rei commodata. Unde licet rectè inferri videatur, quod, si res propria esset longè vilior quam res accommodata, debere eam exponi jactura ad salvandam rem commodantis longè pretiosiorem. Bene tamen addit de Lugo l.c. num. 138. non esse hanc obligationem custodia diligentissimæ mensurandam ex excessu rei alienæ supra propriam, sed ex detimento, quod illa custodia rei pretiosior afferret custodienti, intellige, etiam respectu personæ illius, dum aliquando jactura rei vilioris alii minùs bene habenti ingens detrimentum afferre censemur. Dixi tamen etiam in conscientia: nam, ut de Lugo. n. 135. in foro externo commodatarius, qui rem commodatam reliquit perire, ut suam viliorem servaret, tenebitur ad restitucionem illius; tum quia presumitur dolus, & quod utrasque servare potuerit, sicut suas servavit; ideoque cogit ad totum valorem rei perdita præstandum: tum quia, et si constaret, non potuisse utrasque servare, tenebatur tamen rem domini utiliter gerere eamque servare, postmodum ab eo recepturus valorem rei propriæ; cum in foro externo non presumatur, dominum hunc redditur non esse; quia delictum alienum non præsumitur; adeoque excusationem non habet, cur, cum suo detimento potuerit; non conservaverit rem alienam. Non tam obligabitur ad totum valorem rei pretiosæ, qua perire, sed dempto valore suæ rei vilioris servata, utpote quem restituere debuisset dominus, si facta jactura illius res sua servata fuisset. Ita ferè de Lugo. Quod attinet oblationem alteram commodatarii, qua concernit restitucionem rei commodata faciendam ejusdem rei in individuo, satis dictum *quest. præced.*

*Quest. 216. An & qualiter commodatarius obligetur in casu fortuito?*

R Esp. Dum casu mere fortuito (qui in quo differat à periculo, cuius quandoq; nomine in jure venit, & qualiter, qui per pactum in se recipit periculum non semper in se recipiat casum fortuitum, vide apud Lauterb. ad ff. b. t. §. 45.) v.g. fulmine, vi tempestatis, incendio, incurso hostili &c. citra omnem commodatarii culpam perit aut deterioratur, is ad rei perempta estimationem vel deteriorationis premium præstandum domino de jure communis & regulariter non tenetur, pro ut clare decisum. c. unic. b. t. l. 1. §. 1s verò ff. de O & A. Sed res perit & deterioratur domino. l. pignus. ff. de pignor. act. Idemque locum habet in similibus contractibus non translatiis dominii. l. contractus. in fine. ff. de reg. jur. cum enim tales casus sint extra

prudentiam ut, de Lugo. de Jus. & J. d. 2. f. 10. num. 132. & à nullo prævideri & præcaviri possint, aequitas non patitur, ut à contrahente, qui dominus non est, prætentur. Et ita tenent cum communi Pirk. b. t. num. 7. de Lugo l.c. & apud illum Valsq. Molin. &c. Dixi tamen: *jure communis*: dum quandoque jure speciali est contrarium, uti Jure Bavaro commoda- rium, in cuius solius gratiam res commodata, compelli posse ad transactionem de damno sine omni ejus culpa ex casu fortuito secuto Judicis arbitrio in- eundam, testantur Wiesf. b. t. n. 11. & citatus ab eo Haunold. de J. & J. tr. 10. num. 729. Dixi etiam: regulariter: nam cit. c. unic. b. t. exp̄s̄ tres casus excipiuntur, in quibus commodatarius ex casu fortuito tenetur. Primus, si ab initio commodatarius periculum eventus fortuiti in se recepit seu in pactum deductum fuerit (pro ut deduci potest absque eo, quod contractus ille per hoc reddatur injustus. De Lugo. l.c. n. 123) aut etiam tale pa- ctum repugnat substantia talis contractus Pirk. h. t. num. 10.) ut commodatarius dannum ex casu for- tuito securum præstet; cum contractus ex con- ventione legem recipient. l. contractus ff. de reg. jur. in quo tamen casu tenebitur commodatarius ad hoc non ex vi seu natura contractus, sed ex pacto adjecto. Azor. l. 7. c. 7. q. 3. Pirk. l. c. eo autem pacto comprehendendi quoque casus insolitos, plerique statuunt. Lauterb. l. c. §. 46. Mull. l. c. th. 7. citato Bachov. vol. 1. d. 29. th. 16. Lit. b. eò quod, qui casus fortuitos in se recipit, ille ipse, vi nominis admonente, vel maximè, de insolito cogitare, & de eo alterum securum reddere cen- seatur Lauterb. l. c. quavis, ut monet, præstet facere mentionem expressam casuum insolitorum, ne postea maneat ansa disputandi. Secundus, si culpa præcessit commodatarii, ex qua fortuitus casus, quo res perit, secutus; v.g. dum rem accomoda- tam ad alium usum, quam de quo convenit, ad- hibuit; v.g. si vas argenteum ei commodatum ad convivium celebrandum intra urbem secum ex- cultit ad convivium celebrandum extra urbem illud naufragio vel prædonum incursu perdidit. l. irre- bus. §. ff. b. t. Tertius si commodatarius post exple- tum usum & tempus præsinitum fuit in culpabili mora restituendi; cum mora sua sit culibet nociva. reg. jur. 2. 5. in 6. ut autem mora sit culpabilis, in- ter pellationem domini ad restituendam rem commodatam requiri evidetur aliqui. Muller. b. t. th. 7. Lit. i. citans Gail. l. 2. ob. 21. num. 3. Ubi tamen mora non fuit culpabilis, quia justam causam habuit differendi solutionem, casum for- tuitum præstare non tenetur, ut dum legitimè im- peditus fuit restituere debito tempore. Arg. l. illud. ff. de hered. petit. l. uniu. ff. de R. V. Pirk. num. 8. Item dum rem detinuit, donec sibi à commodante solverentur expensæ factæ in conservationem rei. Item quia putavit, se rem non debere, ideoque in iudicio contendit, ac interea res perit; cum, qui sine dolo ad judicium provocat non censemur moram facere. reg. jur. 43. in ff. adeoque etiam post item contestatam res perit, perit sine ejus culpa, non obstante, quod post litis contestationem omnes incipiunt fieri possidores malæ fidei. l. sed et si. §. ff. ante. ff. de hered. petit. cum non sint propriæ tales, dum causam dubiam non statim actori cedere teneantur, si anteā fuerint in possessione bona fidei, ut Pirk. l. c. cit. Laym. l. 3. tr. 2. c. 4. n. 1. aliam justam causam moræ, ob quam excusat comodatarius à restitutio- ne, hanc esse censem de Lugo. l. c. n. 124. quod bona fide